

汶上縣志卷之八

藝文志

叙曰司馬遷作史記採子虛大人諸賦盖以徵漢武之侈心耳後溺其旨摭摭小技騁靡闕奢謂之何哉今志所輯如太白之律情敦棠棣審容之碑義作青衿邈乎尙已屬則楊學士致戒於繭絲陸水部興哀於沉竈李司空紀宋公之勩王交城表許女之烈興觀攸在因革所稽卽子雲復生安得詫壯夫之不爲也它諸簡什壹秉裁於是矣

詩

汶上縣志

卷之八

藝文

唐李白別中都明府兄

吾兄詩酒繼陶君試宰中都天下聞東樓喜奉連枝  
會南陌愁爲落葉分城隅淶水明秋日海上青山隔  
暮雲取醉不辭留夜月鴈行中斷惜離群

又過汶上寄杜甫

我來竟何事高臥沙丘城城邊有古樹日夕連秋聲  
魯酒不可醉齊歌空復情思君若汶水浩蕩寄南征  
又魯中都東樓醉起

昨日東樓醉還應倒接羅阿誰扶上馬不省下樓時  
又訓中都小吏携斗酒雙魚於逆旅見贈



魯酒琥珀色汶魚紫錦鱗山東豪吏有俊氣手携此  
物贈遠人意氣相傾兩相顧斗酒雙魚表情素酒來  
我飲之鱠作別離處雙鯉呀呷鬣鬣張蹊刺銀盤欲  
飛去呼兒拂几霜刃揮紅肌花落白雪霏爲君下筯  
一餐罷醉著金鞍上馬歸

又五月東魯行荅汶上君

五月梅始黃蠶凋桑柘空魯人重織作機杼鳴簾櫳  
顧余不及仕學劍來山東舉鞭訪前途獲笑汶上翁  
下惠忽壯士未足論窮通我以一箭書能取聊城功  
終然不受賞羞與時人同西歸去直道落日昏陰虹  
汶上縣志

卷之八

藝文

二

此去爾勿言甘心如轉蓬

唐高適東平路作

明時好書策動欲干王公今日無成事依依親老農  
扁舟向何處吾愛汶陽中

又別李少府

黃鳥翩翩楊柳垂春風送客使人悲怨別自驚千里  
外論莢却憶十年時雲開汶水孤帆遠路繞梁山匹  
馬遲此地從來可乘興留君不住益嗟其

唐駱賓王充西餞宋五

淮尼泗水地梁甫汶陽東別路青驪外離樽綠蟻空



柳寒凋密翠棠晚落踈紅別後相思曲悽斷入琴風  
宋文天祥咏新橋驛古槐

去歲營船澳今朝館汶陽海空沙漠漠河廣草茫茫  
家國哀千古男兒慨四方老槐秋雨暗孤影照琳瑯

又汶陽路遇雨

積雨不肯霽行路如涉川青氈繚我後白氈覆我前  
我欲正衣冠兩手如糾纏飛沫流被面代我泣滄漣  
鴻鴈分南翔遊子入北燕平楚渺四極雪風迷遠天  
昔聞濟上軍又說汶陽田我今履其地吊古蒼蒼煙  
男兒欲了事長虹射寒泉

汶上縣志

卷之八

藝文

三

又自汶陽至鄆

渺渺中原道勞生歎百非風雨輕打人泥濘飛上衣  
目力去天短心事與時違夫子昔相魯侵疆自齊歸  
又過汶河一首

中原方萬里明日是重陽桑棗人家近蓬蒿客路長  
引弓虛射鴈失馬爲尋獐見說今年早青青麥又秧  
元按察使胡祗道題思聖堂

汶上魯中都哲人宰茲邑石刻思聖堂後人知仰德  
汗池困飛龍鴛鳳棲枳棘天意人豈知來者三嘆息  
立言澤萬世貧賤何足惜再拜登故臺歛衽拱而立



如何夢見之受教開茅塞

皇明大學士楊士奇扈從過汶簡史知縣

歲晚輜車獨過時冰霜寒重著鬚眉彥章曾仗城西  
節閔子終爲汶上辭遠岫挿天疑是畫清流環郭自  
成池雖蒸盜息民貧甚當道休輕議繭絲

長沙李東陽過汶訪思聖堂

東入齊魯疆始見聖迹存曰茲中都地宰此社與民  
大哉堪輿內何者非吾人平生轍環志且復先鄉鄰  
損也不宰費顧此逃權臣跡跡本同義於道諒有聞  
見賢且思齊希聖復何云憇徊古祠下感歎傷心神  
汶上縣志

卷之八

藝文

四

薛文清公題分司小栢

霜臺對植長新枝

處只今已有棟梁姿

增城湛若水瞻思聖堂觀石準

沿流

問是古中都宣尼有流化男女別行途

有堂表思聖遺準存聖模治者平偏黨學以平卑高  
擴之遂相魯東周其庶乎水也未升堂入室安可圖  
寄語都人士希聖勿自誣

四明陳東過汶上

古汶棲靈地孤城水上依昔賢懷此隱今我去何歸



遺風邑里秀落日稻秔肥羈眺傷來往空嗟人代非  
白水王謳汶上道中

旅遊來汶上歸思滿秦途水泛山城雨花殘野樹風  
行人尋魯道落日向秦宮茅屋應如昔傷予類轉蓬  
又汶上泛舟

山雨彌晦朔洪流奔巨川我來當此日舟濟喜晴天  
渡口淨芳樹人家生野烟孤城隱雉堞豐壤帶郊廛  
行潦及時降陰林或鬱然遙聽疊鼓發縱目雙旌懸  
廩祿身徒竊間閫風未宣古人貴達節負弩奚稱賢  
又過魯中都

汶上縣志

卷之八 藝文

五

中都故魯邑卜訪來春朝仲尼昔小試遺迹今蕭條  
聖澤尙未泯父老猶歌謠當時講禮處管領與芻蕘  
絃歌疑在耳曳杖行逍遙山川餘世變花鳥弄芳饒  
撫荒識封樹嘆息對漁樵

又汶上公署

兩鬢如蓬行路難高秋風露宿臺端雲藏畫角青山  
暮月轉空城碧樹寒爲客數年非樂土舊遊何日是  
長安獨留三尺齊門瑟猶自狂歌醉裏彈

莆田陳紀厥亭古蹟詩

厥國何年別禹疇至今民物屬東周人心直道無今



古聖化同天豈去留荒草漸埋幽徑合魯泉仍抱古  
城流謫仙謾說東樓醉綠水厥亭尙帶秋

長洲祝允明舟行汶上薄暮看月

璇盖瑩空青飛鑑泛華艷川原邈夷曠踈木媚寒澗  
廣路斷浮鞅旅翫諧清念跡逝偕志行萬里靡坊塹  
苟無忠惠持誰能勞不厭

武昌吳國倫過汶上贈韓尹

中都文物古來傳問俗新知茂宰賢海上峯陰郿子  
國城頭沙沒汶陽田歌聲已傍千花動詩思翻從五  
柳懸孤署細論心並折不知明月落樽前

汶上縣志

卷之八

藝文

六

王瑛汶上道中將會王學憲岱麓漫懷

曾躡芙蓉攬岱峯東來林麓鬱秋容霜天落落分襟  
外人在寒城樹幾重

歷城邊貢汶上寄王工部

直擬湖邊會言從汶上過歲時鳴鳥變岐路轉蓬多  
樹色連東嶽川流匯北河相思阻歡覲瞻望恨如何  
閩中鄭善夫汶上對月聞笛因賦醉歌

焉耆八月高風起鴻鴈羣飛渡淮水月下清砧愁遠  
人天涯芳草思公子王郎哀時最蕭瑟萬里迢迢向  
南國呼我上船設冰鱠仰天傾酒開胸臆關山茫茫



何處邊但見急管哀中天馮夷聽曲波面出楊柳亂  
落西風前酒酣月落歌未已隴思江情嗒然起未掛  
姓名玉策上願添海水金樽裏人生合歡那可測有  
似大海翻萍葉回首親朋各別離豈無江漢通舟楫  
流光過鳥不復駐達官好爵身之蠹况迺豺狼橫地  
軸何限驂騑窘天步竹林諸賢皆酒徒嗣宗只顧步  
兵厨古來賢達一澌盡醉鄉之托今何如

永豐會棨舟次開河同胡祭酒鄒侍講登岸散  
步長林

芳晨藹新霽弭楫長河曲捲茲丘園趣褰裳涉平陸  
汶上縣志 卷之八 藝文 七  
郊原渺空曠竚望舒遠目村中夜來雨土脉高且沃  
菲廬鷄犬靜日出煙樹綠牛羊散平野隔水見樵牧  
麥深雉初雊桑柔蚕已浴老翁多歡顏生事一云足  
偶茲一留憇幽境愜所欲僕夫戒前征迤邐出林麓  
緬想塵外踪於焉恣遊矚

胡儼汶上開河與仲熙子棨登岸散步

透迤陟長坂攝衣披草莽遙見村落中綠野平如掌  
秀麥苗已交柔桑葉新長鷄犬適閑曠牛羊遂生養  
欣欣物自私春光正駘蕩緩步隨東風林花飄惚恍  
朝耕土脉潤午炊孤煙上草屋十數家幽棲亦蕭爽



童稚訝衣冠車馬絕來往田夫鋤插歸村春隔林響  
依微鞞川居悠然快心賞

信陽何景明至日寄孟望之汶上

至日懷親友題書在帝鄉風雲餘歲色梅柳復年芳  
白髮行藏裏清尊滄淚旁恩君魯城北汶水日湯湯  
青田劉基過南旺守閘

客路三千里行舟二月餘壯顏隨日減衰鬢受風踈  
蔓草須句國浮雲少昊壚愁心如汶水蕩漾遶青徐  
壽張殷雲霄南旺道中

汶上縣志

卷之八

藝文

八

夜雨旣過無塵土芳草微烟亦可憐白雲欲共青山  
遠鷗鳥似矜湖水妍平生事半風塵裏兩年歸俱清  
明前楊柳岸頭春幾許與君沽酒問漁船

長洲皇甫

分望秦嶽

神嶽旣蔚奧 海復盤紆金文秘漢簡玉策藏秦符  
帝草日月光宮樹雲霞敷茲石發靈泉播流爲川渠  
心諒有眷造明開神都北逝溢聊濮南奔潤豐徐  
貢至克大盈漕來 王途䟽導底臣績立理非人謨  
茲貺信可封願上長卿書

餘姚謝遷咏西湖

湖水經秋分外清順風南下片帆輕尋源不盡平生



與翹首萊蕪咏濯纓

淮南宗臣南旺湖夜泊

秋日孤舟下石梁  
蒹葭寒色起蒼茫  
江青天忽隨太湖  
水明月長流萬里光  
中夜鷗鷺迴朔氣  
南來鴻雁亂胡霜  
他鄉歲暮悲游子  
涕淚時時滿客裳

上海陸深分水淺舟就陸戲成

春江多柳花風起  
花還飛夕陽歛飄蕩  
委地相因依行止  
諒有數蚤暮同所歸  
百年總行旅安用長  
歔歔義和無東回  
安樂誠幾希眇焉泣  
岐子人遠事已非  
飄飄山水間志願良  
不違朝多清風來暮  
多繁星輝汶上縣志

卷之八

藝文

九

古稱太史公千載欽嘉徽

主事李夢祥蜀山詩

拳爾孤山石壁立  
漪漣隈四顧瀾烟樹  
中流屹崔嵬澄澈潛  
虬龍激撞吼霆雷  
漁鼓聲彭島鳳鳴  
疑簫臺盈盼誇全嶼  
縹緲思君咳我來爲  
振衣仙侶爭趨陪  
磯上尋釣綠道中有  
遺苔聞知樂此心  
二氣橫絃咳滄浪濯  
塵纓泰岱象崇壘  
嗟余慚清流錯礪頽  
紅埃蹇裳瓠未落陟  
阻篲復禮豈不懷千  
刃脩脩萬里迴回首  
凌丹壑悵然真浪猜

主事於惟一



爲愛湖山景携朋泛小船浮雲移水底野鳥集灘前  
漁笛迷烟弄僧鍾隔樹傳維舟依古木躡蹻訪幽禪  
主事張橋

野水孤山出登臨上釣船蘋香浮檻外湖色落尊前  
清梵從林發鳴榔隔浦傳栖栖魯中叟默對勝談禪

孟洋蜀山

聞說蜀山景莫當登臨况復是重陽孟浮下映滄溟  
色眼界平看北斗旁魯甸風雲盤野日薊門鴻雁入  
秋霜清螺翠黛俱塵跡漁歌瀟瀟自闕鄉

張聰過南旺

汶上縣志

卷之八

藝文

十

平湖漫浩浩長空共延袤况茲秋夜深氣清令人瘦  
波光動月明漁燈亂星宿襟懷灑以空俯仰迷宇宙  
轉恐路易道輕舟且淹逗

主事張文鳳閱南旺湖有感

一坡新漲此來遊往事還驚父老眸三日甘霖如雨  
玉萬夫抃舞欲椎牛復湖本自宸衷斷蠲稅頒分赤  
子憂漕事告成民告病璽書專畫里若爲酬

太倉王世貞過分水作

一水雙分作順流風帆喚月不須收拈將印渚修齡  
語翹足徵吟下濟州



太史馬一龍同於水部觀分水

濟滄神功從禹載巨靈開闕轉崑崙橫流極北通星  
駟南入清淮到海門胡越一家天共遠山河兩界地  
中分老唵今日同君調萬國舟車拱至尊

邑人劉東周蜀山詩

曲徑盤雲瀉遠空闕城東畔構靈踪清分錦水八千  
里碧浸蜀山第一峯神姥旌旌搖浦嶼伯陽宮闕畫  
魚龍時移世古無人住惟有寒潮送暮鍾

新安程敏政題分水

濟水潺潺向北流濟河灑灑向南流官船私冊都過  
汶上縣志

卷之八

藝文

十一

此南來北去幾時休

又

龍王廟前石作堤馬頭灣脚路成泥莫笑水流分彼  
此只緣地勢有高低

魯宗觀峴激望樓詩

水曹仙子足幽情自築危樓倚太清台斗九霄來戶  
牖江淮萬里入簷楹晴波翻影飛鳧雁斜日生香老  
杜蘅直北寰帷頻入望五雲深拱鳳凰城

建根詩

湖中秋水接天流湖上新雄百尺樓國運遠延千里



脉主人常豁大觀眸窗前月冷翻泉志檻外風輕送  
貢舟何日與公同一醉卽從滄海望瀛洲

邑人王賢蜀峯秋日

秋風高挹不勝寒嶽色蘋香入畫闌明月湖中忽飛  
出驪珠光弄水晶盤

天水胡纘宗清風堂

鬱鬱庭前竹亭亭屋上松竹自颺采鳳松亦盤蒼龍  
對之坐終日風過聲雍雍豈不愛桃李勁節經嚴冬  
出門看流水春雨何溶溶

邑人路迎湖上同邊華泉懷孟望之

汶上縣志

卷之八

藝文

十三

絃歌非昨日竹馬憶當時行獨千年見才高一世師  
陽春應寡和落日起相思吾欲蜀山上磨崖一刻碑

胡纘宗來鶴亭

一亭淨如水隔檻野雲生秋浦時飛鶴春軒獨聽鶯  
開尊延岱嶽繫纜衆霓旌四月荷花發棹歌千里聲

主事馮熊詩

分水三旬役東山二月春鳩聲野外寂柳色雨餘新  
對酒欣知己論詩憶古人草堂便吏隱咫尺隔紅塵

邑人吳嶽蜀山卽事

碧水環山閣青霞護石林草生識客屐鳥下鮮人心



隱几朝暎近揚舫暮靄深自便踈拙性誰復羨華簪  
又蜀山荅劉堯麓

已傍青門學種瓜劉郎何事問桃花松林風入惟清  
籟蘿洞煙深自一家老山中逢石髓逃名原上飯  
胡麻幽栖盡日無車馬不放終南一徑斜

主事陸化淳撤大長溝私築土壩

蓄水還流水當年意自真洪流時森森石罅故磷磷  
柰忍隣成壑還將蹟用湮哀哀沉窳者嗟彼獨非民  
又蜀山湖晚渡

蚤發康莊驛旋浮雲漢槎渡頭無俗事冰上有人家  
汶上縣志

卷之八

藝文

十三

短棹三湘闊澄光一鑑餘扁舟誰余伴鷗鷺滿晴沙  
又激望樓晚眺

十旬程役滯淹留休假還登激望樓畚鍤一朝弛重  
荷余皇萬躬狎輕鷗雲容澹澹蝕殘照鳶翼翩翩暮  
遠秋三載水衡靡寸補只地似泉流

主事張橋咏激望樓

聊成棟宇枕湖流留得新題激望樓兩幅丹青輝滿  
壁半天雲錦快雙眸梁園極日虛懸榻何時寶  
泛舟若近銀潢承杖履不須更覓鳳凰樓

邑門人王科



水國開仙署名樓接紫霄星辰  
近海嶽望中邊  
虛騰雲常入重門月可邀不須勞跨鶴獨坐已飄飄  
郎中張文鳳閱南旺湖有感

作宦遊全湖今始豁雙眸揚帆萬里行天  
馬千艘異木牛會有瓊臺河上句寧無白老杞  
人憂百年公論終須定臣子何心敢望酬

新安唐臯謁宋尙書祠

千里河蓄深兩堤官柳綠成陰  
恭襄坐受司空策建議崇祠始自今

又餘姚謝遷

汶上縣志卷之八 藝文

十四

南旺湖通黑馬溝濟南汶北兩分流淵源且自徂  
徠出珍重前人爲國謀

唐伯元過南旺與車遊蜀山湖

採蓮處處雜菱菰時或維舟隱岸  
人在空中山有蜀天開島外鏡爲魚  
從舉網皆堪膾酒自如泉不用  
酤仙侶翩翩移向晚恍疑身世到蓬壺

廉訪龔勉水部招遊蜀山賦謝

乘暑來湖上炎蒸苦未休水部興不淺  
相約蜀山遊桂遮烟波裏艤棹雲谿  
頭湖心得小島散步登林丘  
青山樹外見碧浪坐間浮携尊就佳  
蔭風生水面秋



頓令暑氣遠滌我塵襟幽少焉月初出清光蕩中流  
天宇一何闊胸次俱悠悠陶然共忘返恍疑在瀛洲  
邑令馬大信湖上作

又

赤日亂青霞照我湖中編來船時借問前途水深淺  
聞道南湖曲荷花似錦張如何一夜雨空見水茫茫  
主事胡瓚湖亭小憇

南湖足幽賞載酒喜重過風軟方舟穩谷虛隻履多  
遠山疑積翠淺渚弄微波興盡言歸遽斜陽聽棹歌  
又夏日遊馬踏湖

汝上縣志

卷之八

藝文

十五

聞道湖中勝扁舟傍柳撐光浮天欲盡風靜水還平  
渚鷺窺魚集浦蕖並藻生江南渾不異客思寄蓴羹  
信都石九奏新秋同郡寮南旺舟中四作

画舫雙雙清可憐游泃南旺領秋烟豈綠罄折來今  
地自識心期屬往年攀取壺觴留月下憑將笑語散  
風前塵中有客同名賞李郭當時未獨賢

又

皇家輪輓浮千舸水國蒹葭寄一旌燈火窺鄰群語  
細星辰滿座片懷明舟師計候家全載估客喧風夜  
半行不寐每思波浪惡徒慚祿食一身輕



又

山東名泉七十二何年解注足人謀曾於壁馬疑前  
代今看河渠是上遊父老亦關經國計尙書眞擬濟  
川舟願將未竟回瀾手一挽黃河泛濫流

又

泛湖南北萬餘頃恰正逢秋秋氣微蕩漿只愁荷半  
折鳴榔蚤見鷺雙飛魚蝦趁市過憐舍菱芡克糧暴  
釣磯濁酒不醺吾亦去還留明月照漁扉

都御史詹瀚開河迤南卽事

憶昔長垣昏墊日曾經沉壁奠張秋梁山忽斷陶祥  
汶上縣志

卷之八

藝文

六

路鉅野還浮曹濮舟千里民居今底定十州麥壠近  
全收黃陵岡塞河循舊黑馬溝深水自流

邑人劉東周蜀山湖秋風辭

蜀湖之山削寒玉蜀湖之水漲晴綠平生浪蹟江湖  
遊好山好水吟不足水空蕩漾涵空溟山色倒浸芙  
蓉青老龍得雨將欲起紫氣灼灼如雲蒸西風吹雁  
南來蚤菰米初香荻花老一行界破秋天痕有似瀟  
湘風景好恨不結屋俯漣漪倚闌吹徹玉參差望美  
人兮渺何許爲君更和秋風辭

主事張文淵視汶上諸泉



巡行三月始週遭半宿民間半野蒿莫道此官閒到底十分中有五分勞

又咏龍闢泉

怒角雙龍戰未休撼開平地突清流鬢髯湧出數莖碧鱗甲浮來幾片緞濺落立黃潭底血橫流吟吼石邊秋溪山昨夜梅花雨迸逐香風蕩小鷗

邑令王杖壇山禱雨

登山直上最高巔四顧平原接遠天雲樹幾區含雨氣烟花萬片闔春妍時聞好鳥來蹊徑共喜神龍奮石田但願從斯沛膏澤與吾黎庶樂豐年

汶上縣志

卷之八 藝文

七

驛丞麻城李文簡憶新橋古槐

老槐聞說新橋久幾度寒鴉噪夕陽誰遣斧斤聲旦旦空教今古思茫茫留題獨喜看遺誌竊祿何緣到此方贏得公餘明月夜吹風踈影憶琳琅

縣丞曹司賦登采山

白日遙看紫翠重青天透出玉芙蓉依林草樹經春染滿路桃花入望濃蠟屐踏殘香霧濕杖藜策破碧苔封宛然風物堪圖畫彷彿蓬萊第幾峯

莆田陳紀題聖澤書院

斯文天相有遺踪講道曾營半畝宮萬國衣冠沾聖



澤百土禮樂振休風池間雨過芹猶綠墻畔春來杏  
自紅岱岳巍巍霄漢表奎光夜照五雲東

曲山王暉書開河驛壁

昨夜寒仍劇層冰起白波心懸淮北岸舟阻汝陽河  
上邑民風美中都遺教多驅車合行役擾擾一經過

邑尙書王杲吊許烈女墓坊

英靈氣魄從何得鐵石肝腸總不如我爲題詩重起  
嘆高年風化見唐虞

邑進士劉夢熊輓張節婦趙氏

嗟哉趙女負貞操張子門楣荷寵褒連理枝條風隕  
汝上縣志

卷之八

藝文

六

籜並頭菡萏雨蕭騷試看夫婦心同結可識君臣義  
莫逃媿殺涿州王御史西江巡按縱宸豪

邑尙書吳嶽題王蜀山草堂

解組應從麋鹿遊忘形真不愧沙鷗春風楊柳陶潛  
宅夜月琴樽庾亮樓綠水抱村塵跡少白雲圍戶鳥  
聲幽憐君蕭散無拘束會向滄浪共小舟

邑人張鳳羽過王蜀山村居

斷霧遊雲野徑昏疎籬殘水閉柴門神仙襟韻清如  
許臺閣文章氣尙存未論河陽花滿縣且看彭澤柳  
成村相過不盡相思意爛醉何辭碧玉樽



又晚入青山寺

古寺殘僧客到稀，獨便一枕暫忘機。  
山鴉啼散西風起，落葉蕭蕭滿院飛。

又晚登青山寺石門閣

落日青山寺，披雲上石門。  
星光朝紫極，風色闢黃昏。  
鴉雀間爭樹，牛羊自入村。  
依僧無限意，難與世人論。

又憶青山古泉

石眼何年塞，靈泉遂不流。  
孤亭空八柱，遺派尙雙溝。  
山鳥啼深樹，天風送晚秋。  
登臨無限意，長嘯白雲頭。

又甲辰再登青山

汶上縣志

卷之八

藝文

九

讀書茲寺記，吾魯泣玉十年耻。  
再登縱酒且邀青嶂月，吟詩剛對白雲僧。  
岩頭老檜鳴新籟，谷口春流擁斷冰。  
絕頂有時閒一眺，淡煙飛鳥見孤城。

邑人祝廷學汶南村居

隱隱西山晚更佳，絳桃霞暎幾人家。  
茅堂但使粗容膝，隙地何須盡假花。  
愛戴鶻冠頭懶櫛，喜吟楓葉酒頻賒。  
丁男辦得春秋租，儘我陽坡學種瓜。

又九日憶曇山舊遊孟彥蕃

惡懷無那強求歡，忽憶山中舊考槃。  
風雨重陽將近日，菊花濁酒欲臨天。  
幾回登眺讀書寺，取次遊歌引



釣灘佳境於人似有戀就中好掛孟嘉冠

盱眙李言恭書郭大司空後樂園

神武歸來日著書門垂五柳見懸車東山自繫蒼生  
望綠野間開大隱居星斗尙期趨劍履烟霞聊爾混  
樵漁何人歷事三朝後高卧羲皇樂有餘

廬陵郭子章題水心亭爲路參軍賦

波瀉千里澤渾涵四望通亭臺來海上軒檻出天中  
幕作蓮花麗劔成斗氣雄尙書鳴珮里不是蠡湖東  
又臨川湯顯祖寄題

仙郎賞勝逐年新猶記登臨送入秦正好科條逢吏

沈上縣志

卷之八

藝文

三

語那堪衰白障胡塵尙書起第人原重太守還家自  
不貧最是湖南盛花月烟波并作汶陽春

商城王昉省覲汶上

遺經初授古中都聖澤千年尙有無顏廟秋風鳴老  
檜殘碑落日照平蕪鱸魚已見呈佳兆苜蓿何言不  
壯圖最是閑齋堪坐嘯獨操片玉映冰壺

雲間董其昌過汶訪路子良別業

尋雲路八壑招鶴路家池記取還山客風流此一時  
又邑人曹元用塞上憶汶水

沙磧秋高宛馬肥哀笳一曲塞雲飛南都兒輩應相



念過盡征鴻猶未歸

又邑人束英咏溱泉寺

丹崖翠壁小禪林石磴稜層古木陰鍾磬數聲人語  
寂滿廊風過落花深

又邑人祝廷學咏秋蟬

夕陽流水怨多違喬木林踈葉半飛伴月絺裳沾露  
冷隨風清響出林微自憐質弱遭逢晚誰恨吟孤應  
和稀羽化仙登何所濟秋旻端問是和非

宿遷深壘送李希孔還汶陽

飄然歸去汶之鄉秋水涵空路渺茫一幅輞川千里  
汶上縣志

卷之八

藝文

三

月片帆琴韻五更霜龍門此夕瞻元禮淮北他年憶  
魯狂別後好懷應寄我闕湖寒雁日相望

又補李空同贈孟明府自桂林量移汶上

少年東邑宰萬里北還人桂已他時苦花須滿眼春  
遇逢思夙昔臨別見交親莫小牛刀試元爲驄馬臣  
又贈孟監司望之赴任三首嘗知汶上有寄我  
之作

南輟江湖棹東飛海岱旗勇辭知至性強起爲明時  
氣節聊城箭文章孔廟碑秋風立馬地莫動黍鷹思  
又



汶上篇仍在齊東節重過繞臺新栢秀匝縣舊花多  
海色搖竹憶山雲護詠窩談天君一問稷下近如何

又

麋鹿遊山性蛟龍卧水心得雲恐一起食野不孤吟  
汝去觀滄海予嘗慕孔林何時携樽酒同躡泰山岑  
何大復喜望之量移汶上

嶺海投荒日燕臺望遠時三年一消息萬里轉相思  
歸雁先知暖驚鳥尙繞枝湘江催發棹預報北來期  
邑人劉元山嘉穀合穎詩

指日揚塵度玉墀喧城錦頌照牙旗風煙古是宣尼  
汶上縣志

卷之八

藝文

三

地雁驚新來僕射陂健犢欵登新莎壟雙虹斜抱碧  
雲枝濃薰官舍吳綾被不是長衙睡足時

邑人岳泰初秋詩

一室如椽萬竹蒼坐疑畫舫入瀟湘秋風老至驚茅  
屋夜雨詩成憶草堂鷄跖自招巖灘隱鳳團客闔建  
溪香玉樓苦愛青氈冷未許笙歌醉洞房

文

漢衛尉衡方碑

府君諱方字興祖肇先蓋堯之苗本姓  
則有伊尹在殷之世號稱阿衡因而氏焉  
土家於



陸君之烈祖少以儒術安貧樂道履該顏原兼修季  
由聞斯行諸砥仁癘

土階夷愍之貢經常伯  
之賓位左馮翊先帝所尊垂名竹帛考廬江太守兄

雁門太守

孝長發其祥誕降於君天資純懿  
相前之美少以文塞敦龐允元長以欽明耽詩悅書

秋仕郡辟州舉孝廉除郎中郎

侯相膠東  
令遵尹鐸之導保障二城參國起按班叙

本  
肇末化速郵置州舉尤異遷會稽東部都尉將繼南

仲邵虎之軌飛翼軫之旌操參

綏來王之蠻  
會喪太夫人感倍人之凱風悼蓼莪之劬勞寢闇苦

汶上縣志

卷之八 藝文  
仍

上言倍榮向哀札服祥除徵拜議郎右平太  
守尋李廣之在邊恢魏絳之和戎戎戢土佚費省巨

億懷

靜有績遷潁川太守修清滌俗招拔  
隱逸光大茅茹國外浮

淡界繆動氣泄狂  
歸來洙泗用行舍藏徵拜議郎遷太醫令京兆

尹舊都餘化詩人所詠並有亡新君

隆寬  
慄鶉火光物隕霜剝姦振滯起舊存亡繼絕恩降乾

太威肅剝坤本朝錄功入登衛

翼紫宮夙夜惟  
寅委蛇在宮有單襄穆典謨之風詔選賢良招先逸

民君務在  
失順其文舉已從政者退就勅巾永康



之末君衛孝桓建寧初政以朝用舊臣流拜步兵校尉  
處六師之帥維時假階將授袞職受任浹旬奄離寢  
疾年六十有三建寧元年二月五日癸丑卒詔遣使  
弔賻禮百賓臨會莫不失聲其年九月十七日辛  
酉葬蓋雅頌興而清廟肅中庸起而祖宗故仲尼  
既歿諸子綴論斯于作歌用詔於宣以旌德銘以  
勒勲於是海內門生故吏采嘉石樹靈碑鐫

茂伐祕將來其辭曰峩峩我君懿烈孔純高朗神武  
歷世忠孝馮隆鴻軌不忝前人寬猛不主德義是經

韜綜頃温故前呈攬英接秀踵迹晏平初據百里  
汶上縣志卷之八藝文

顯顯令聞濟康下民曜武南會邊民是鎮惟憂及退  
身叅議帝室剖符守藩北靖有聲旋守中

嶽幽滄以榮邁種舊京含澤戴仁攸  
寧克長克君不虞不陽維明維允燿聲香能慙能

惠尅亮天工入統赳赳光光法言稽古道而後  
行兢兢業業素絲羔羊闐闐侃侃顛顛昂昂何規履

架金玉其相謇謇王臣群公憲章樂只君子無  
疆銘勒金石問萬世是傳門生平

原樂陵朱登字仲

唐文林郎權知龔丘兵縣令攝中都縣令邢審容



葺新廟學記

穆宗改元之星鳥月走承府命攝宰於龔丘旣至未  
遑恤於鰥寡而首謁乎先聖見祠宇崩圯土復身所  
一邑之豕牛叢之焉■其頑童駭孺恣以彈射田夫  
里婦牙進紙錢滴觴羅拜祝祉目之爲夫子神■矣  
烏虜當天地之冥昧非大明高懸而罔照泉禮樂之  
崩缺非先聖卓立而莫振魯先聖之出也盍先百郡  
而謹之胡廼先百郡而■隳之日用弗知以之行簡  
縱氓俗之淫祀噫簡之■義豈若是耶走退詳其事  
時罹方割之害闔戶爲魚者累累入耳焉徵葺之  
汶上縣志

卷之八

藝文

五

猷身惟艱矣乃■諭里客之名於籍者與夫里生之  
敦於學者殊音共詞丕從厥志骨命損服膳而卒修  
之肇开載之季秋訖來歲之仲春繪素聖哲圖七十  
二子列二十二儒環身屋壁■之讚述如开國庠矣  
迨癸卯歲之三月走荐承府命粵以茲邑民流賦闕  
三載而積■开移理之辭罔克允而來乎自龔至之  
日復首謁於先聖祠宇崩圯猶夫龔矣开甚者厥趾  
處一方之震位迫居民之隘陋傍瞰翳蒼俯囑穢藪  
里塘蔽其前每周旋而通衢焉猶此言之殆不若也  
矧先聖制爲之地男女車徒之軌存乎日壤垣弗建



傾棟弗扶，廟弗繕，曷以觀古人之象喟然復嘆。乃申元戎而更之，度身中撤屋而堂端乎屏宇，以達於康莊。采章序列，亦猶夫■龔矣。於是又經北室爲師，儒函丈之所，剏兩序爲學者親師之俾。四方之潔已進修者，咸處之而以藏息焉。備歲貢於有司，庶幾將來■因奪開業七八五■間，龔天下篤教敏行之風，復先於魯也。至若先聖■德合乎玄黃，昭隣乎日月，敷弘六籍，非鯁敢稱。今所紀者，更而已矣。長慶甲辰歲建亥月壬午。

宋初西美思聖堂記畧

汶上縣志

卷之八

藝文

三

中都昔魯邑也，而孔子嘗宰焉。汝南周君師中爲令之二年，構堂於公宇之西，而名之曰思聖。謂爲政遊息乎此，宜求孔子之意，而致其思。或曰：聖可思歟？曰：聞之顏淵曰：舜何人也？予何人也？有爲者亦若是夫。聖人之道，至微妙宏遠，而吾所謂思之者，非敢以爲必至也。政令之弛張刑賞之取舍，凡舉而措之民者，必反覆而盡心焉。求其有當於聖人之意而後已，則雖不必至，亦庶幾弗畔矣。堂以元祐三年六月始造，泮月而成。予以是紀其歲月云。

元七閩畊存王積翁思聖堂銘



光嶽儲精尼山毓聖兩儀立心群黎立命中都雲  
汶河月瑩百王興思萬代起敬惟聖與凡相去一問  
君子中庸小人則反精一難持微危易轉思則得之  
弗思彌遠再思謹思貴乎思誠克己復禮爲仁乃精  
實踐工夫徹上徹下徒思無益不如學也

皇明漢陽項誠重修思聖堂記

天吾知其至廣也以其無物不覆地吾知其至厚也  
以其無物不載日月至明也容光之隙無不照四時  
至久也運乎萬古而不窮然天能覆物而不能載物  
地能載物而不能覆物日月徒能臨照而不能成其  
汶上縣志

卷之八

藝文

七

序四時徒能運行而不能致其明若夫聖人之德則  
有以該乎天地同乎日月合其四時並包而不遺矣  
三代禮樂聖人損益百王憲章聖人消息三經以明  
九疇以序家國用和鬼神以享誠所謂考諸三王而  
不繆建諸天地而不悖質諸鬼神而無疑百世以俟  
聖人而不惑者也汶上縣卽古之中都聖人嘗宰是  
邑教人不封不樹路不拾遺噐不彫僞制爲養生送  
死之節一年四方皆取則焉至今二千餘年其流風  
餘韻尙能使人感慕興起其好善惡惡之念豈非聖  
人過化存神之效乎宋元祐三年邑宰周師中構堂



於公宇之西而名之曰思聖是能求孔子之意而行其政者元大德三年東平孫公善鄉來知縣事又重修之然歷歲既久不能無廢但所存者故臺遺址崩摧於斷磚敗瓦之間而已爾

聖朝隆興務在選拔賢能爲守令之職由是史侯以聰明特達之資於洪武二十三年來宰是邑視篆之始廉以處已惠以及人其善政嘉猷令聞偉績日益宣著

皇上聞而賢之永樂七年特陞濟寧州知州仍掌縣事賜織金紗衣一襲酒一尊鈔一千貫旌其賢能以汝上縣志

卷之八

藝文

三

懋有德侯夙夜盡心愈加勤謹凡興利除害之事靡不竭力爲之公事之暇從容謂予曰誠祖於治人之事固已得其大矣但思聖堂舊基未獲興復於予心實有歎焉由是捐割已俸倩工雇匠運材木購磚瓦卑下者高廣之廢墜者增修之不數日堂宇廊廡丹雘粉堊燦然一新事既落成先生爲我記之刻之片石以示永久予忝教庠序辭不獲已竊惟侯之重修是堂蓋欲以已之心思聖人之心以已之政行聖人之政如在燕居則思其有申天之氣象如在鄉黨則思其有和悅之言辭仰慕之誠見諸夢寐故發而



於事爲自有不能已者侯名誠祖字信中山西平陽  
解州之名族年高八十有餘勵精爲治之心始終如  
一未嘗少懈乃重修文廟以居聖賢之像創造廳堂  
以張官府之威壇塲之制煥然而可觀城隍之廟秩  
然而可覩至若架閣有房公器有庫法度嚴明獄禁  
不設民之愛戴若赤子之慕慈母是皆侯能思聖人  
之心行聖人之政而致然也自今以在鏘然弦頌之  
聲爛然燈燭之光藹然編簡之香濟濟衣冠之踴翔  
遠近見聞莫不欣然相告曰彬彬鄒魯之風復見於  
汶上矣爲汶上之民何其幸哉嗚呼聖人之道猶天  
汶上縣志

卷之八

藝文

三

知府陳仲祿重修思聖堂記

特紀其興修之始末俾繼爲是邑者有所勸焉

堯下邑曰汶上者魯中都也舊有思聖堂思孔子也  
孔子之道遠在宇宙近在吾身耿耿不寐無所不思  
曷以名堂志跡也昔魯定公九年孔子宰中都十四  
年攝相事而教化大行夫道無補於空言莫難於  
用實用莫難於托始故商邑之協以昭丕式之化豐  
岐之造以開怙冒之仁人但知攝相三月而魯大治



而不知中都之宰四方之則基之也此思聖堂之所  
由建也然不曰廟而曰堂者堂以發政也予生長衡  
湘誦法孔子欲探其道之本原有年矣嘉靖丁酉予  
以秋官郎出守堯堯爲魯之舊邦乃嘆曰軻氏以近  
孔子之居爲幸予官非孔子之鄉耶夫治以變俗爲  
先於是思孔子善變之方而以至道扁其退食之堂  
項之巡屬邑至汶上又嘆曰此非魯中都耶其變魯  
至道之始乎惟厥始其令終之圖乎及見所謂思聖  
堂者又嘆曰嘻百慮而一致殊途而同歸荆斯堂者  
古耶今耶其先得我心所同然者乎然而歲久風雨  
汶上縣志

卷之八 藝文

三

漂搖頽敗瓦礫僅同廢祠又足以動無窮之感也夫  
堂以思聖而建思聖之心或由登堂而興使凡隸官  
於堯者皆有是思則吾至道之願上暢下滂相與共  
成之也何難哉因命葺而新之上以存孔子之舊下  
以寄予之思又以倡屬吏之爲宰者是爲記

元學士李謙聖澤書院記畧

城野之南湖水之側有講堂故基存焉乃吾夫子與  
群弟子講道之所後人欣慕聖澤不忘云耳其興廢  
不能悉考所可知者魏孝昌丙午條石記興建之由  
沒其姓名者居半中有順大夫陸懸天寶壬辰舊刻



吳生所畫宣聖堯公小像額則徐浩所題其上復有顏魯公書程浩所撰夫子廟堂記元祐四年南陽周師中作宰是邑重加修建王堯年爲之記或者以爲講堂當在魯而不在汶殊不知弟子從聖人周流四方之時若過宋而習禮於樹下遊舞雩而問崇德辨惑皆是類也矧吾夫子作宰中都年已五十刪詩書定禮樂贊周易修春秋而不專在彼又奚疑焉二百年來荐罹俶擾毀於灰燼鞠爲瓦礫不知幾何時矣故東平教授櫟菴先生馬公於至元三十年得地一十二畝藏書千餘卷構亭講誦其後都水少監馬之汶上縣志

卷之八

藝文

三

貞復建大成殿四楹中肖聖容旁列十哲像功頻就緒西益張源漕南江武真定賈璘迭興互舉十餘年然後堂室門廡庖庫池井粗備始以文請余聞德之不修學之不講馳驚於文詞之末以邀聲名苟利祿爲計非聖人所講之學而居其堂以貽其羞是則可憂也自今以始當以聖賢之教爲教以聖賢之學爲學俾經爲通儒文爲名家可也

皇明楚潭周御聖澤書院碑

聖澤書院舊在縣西南二十五里湖之側先師孔子宰是邑時政餘講學之所俗所稱釣魚臺是已歲時



奉祠如闕里故事自魏孝昌而後歷唐涉宋迄於勝國代有興廢載在李謙記者可槩見矣我國家二百年來仍舊貫而無改作有司春秋致祭惟謹

世宗初巡撫都御史陳公鳳梧始下檄移建今縣治太僕寺之南跡舊制益拓編役司守嚴事有容衿紳之士斌斌焉居無害祀省入廟專爲講肄之所又五十餘年而書院之禁下矣坐是荒蕪不治螢飛螿走垣若毀殿宇若撤殘碑斷碣覲鬣於澹烟荒照之中識者有魯璧金絲之感而無何也余不佞來署縣事滌篆問狀仰而思俯而嘆曰嗟乎先師以萬世爲王汶上縣志

卷之八

藝文

三

中都實賜之塊卽論堯都禹甸何以加茲而沒沒若是因圖所以新之者而非非常之難且未幾以直指行部解篆而去也屬尙令瓚至銳精治理畱心聖蹟視不佞有加焉迺首進父老子弟庭詔之且語之故咸感概忤忤曰幸甚遂下令曰咨惟爾汶爲古中都先師筮仕之地講堂則顏閔游夏辨志之區惟爾之先實其手所委撫口所訓迪之人世代遷矣風流如在假令講釣之蹟遂荒則聖澤之謂何願新者聽於是廣出俸緡佐經費而庀材鳩工分能任事以教諭董光爲之督率諸生王有道檀芳遠掌其出入榛穢誅



之穿浚平之礎陋廓之拉舊易新撥蒙丹墜簷楹斐  
尾周垣鄰菌外設戟門中寘黼座至金石之刻則有  
若吳生之所畫徐浩所題顏魯公之書程浩王堯年  
之所撰悉臚列於左右庖庫井池咸亦粗備焉而聖  
像儼然南面矣令率父老子弟行釋菜禮告成已介  
二三子請碑余謂聖澤與天地久近夫天則雨露霖  
霖而區萌粵其榮地則江河浸灌而億兆歸其潤聖  
澤非乎固宜多士孺慕庶民子來費不公帑役不勞  
蒐春乎徂冬而若是速也顧惟大造無私帝力何有  
知先聖不私一汶而聖人之澤豈汶人之所得私哉  
汶上縣志

卷之八 藝文

三

必不其然二三子斂罕進曰唯唯否否有是乎攷之  
定公九年孔子爲中都宰制爲養生送死之節長幼  
異食彊弱異任男女別途道無拾遺噐不彫僞行之  
一年而四方之諸侯則焉曰則之則非必如先師之  
於汶也是則汶之所得私也又考是年得寶玉大弓  
歲在庚子明年辛丑由大司寇行相事此其事曷可  
忘也且以我公之惠况敝邑會幾何頃而政通人和  
百廢俱興表章先聖之遺踪修復累朝之曠典尙侯  
之功皆其功也考厥成功爲今萬曆二十八年亦上  
章困敦之歲故無論惠澤汪濊與汶同流卽其歲月



詎可忘哉余逡遁謝不敏因思曩之有事於斯者如  
順大夫陸公南陽周公教授都水二馬公西益張公  
漕南江公真定賈公不可枚舉矣至如

世宗朝吳君瀛勤渠開建張公惟誠之銳意復古不  
可謂無以風之也迺士之產於斯者則接迹仕衢出  
入三事所稱尚書里者在在而然卽魯有太臣文學  
其天性有能坐盛儷美者乎以斯知聖人之澤於都  
乎遼哉孟子曰予未得爲孔子徒也予私淑諸人也  
司馬遷亦云高山仰止景行行止雖不能至然心鄉  
往之是在諸大夫與二三子勗之而已矣自今以往

汶上縣志

卷之八 藝文

十四

吏於其土者洵夙夜惟先師之政生於其鄉者亦夙  
夜惟先師之學有能扞圉生民登咸往詰無媿門墻  
而有當祀典者請卽俎豆於先師之旁倘亦修之之  
意乎至於蠲之葺之俾書院與聖澤不斬於闕里朕  
麗賢有司尤有責焉若曰吾方爲理而茲且未暇及  
也是宰中都者廢講學矣吾所不敢於是爲之碑以  
歸尙令而系以詞詞曰維天誕精昌平鄉類堯要禹  
以素王溫溫靡讐乃皇皇五十一宰中都良入爲司  
寇結刑章厥澤綿邈汶之陽邑人作室履綦藏瑄壇  
闕里遠相望颺叵麻泚世桑滄巋然無翹魯靈光於



赫

大明崇封章士民焉依吉日康聿驅百靈暨萬方有  
司服食苾且芳絜誰操戈議道旁雖云典禮聖蹟荒  
我來懷古一沾裳真宰爲泣民其忘有美尙侯司封  
疆乃桴鼓之士徬徨崇簷密城房廊廂朱口黼座殷  
輝光曰欲得門循其墻云胡入室升此堂聖澤何居  
若望洋甕盃杓饗中腸源源賢喆翊吾皇坐令萬  
襪如虞唐

元張孔孫修廟學記

孔子之聖極於化初冥於道先自生人以來未有如  
汶上縣志

卷之八

藝文

三

者後之人不可得而贊也汶上古魯中都先聖曾宰  
是邑迄今天下之人聞中都之名莫不思見風化遺  
俗之美矧來尹者宜如何哉蓋王政非教化不立教  
化非學校不興是以今上繼承大統以興學養士爲  
先所以致本推敬其教於天下使天下之人同心  
向道歌詠太平作成人材使之從政爲治之要莫  
過於此豈專簿書獄訟期會歛散而已哉且吏不明  
道人不知學雖簿書獄訟期會歛散之事皆不得其  
當其弊尤甚焉經不云乎君子學道則愛人小人學  
道則易使也牧民之吏可不務學使人知道乎惟汶



也截然居魯中自夫子來治垂二千年後思聖之意固在民俗敦厚號稱易治又同寮協力於興葺故廟學一切就緒始自至元四年縣丞賈恒創議既而達魯花赤納合國瑞踵恒之志伐材運甃庸工勸後功已過半恒得代繼得尹時權簿孫智尉崔翥早夜專其事改正殿爲六楹三門廊廡講堂煥然一新今則縣尹孫繼慶等到任增修殿庭堦砌廟垣及展買廟地創起講堂并兩耳東西齋房前櫺星門後祭物庫達魯花赤忽都帖木又將各官退下劉許村職田一十頃撥充贍學地供給祭祀及師生廩餼學之成

汶上縣志

卷之八

藝文

三

就殆非疇曩大德五年夏五月承事孫尹保義夏簿詣門謁文請記孔孫里人也敢以不腆辭嗚呼天下之事固非一日可成况汶陽居南北之衝官事鞅掌而諸君始終經營不墜教基是可嘉尙異日明經傳道之士彬彬出焉俾是邑移爲洙泗其善政可勝言哉是年秋八月初吉正議大夫前禮部尙書張孔孫記

又廉訪使王士熙重修大成廟記畧

通祀聖人著爲令典薄海內外一也古稱洙泗爲道義區矧中都乃聖人親民發政之所流風藹然何其



幸哉比之他邑雖齊楚之大何莫不同乎縣有大成  
廟凡爲縣之監尹援例謁拜二丁祭祀居聖人之所  
居不思其道何以立教是故經閱歲祀因循弛惰未  
有復之者令尹王居敬篤志興舉旣作思聖堂杏壇  
於縣治曰道之所始人倫綱常捨大成則何依焉作  
此新宮倍百常規教立倫明禮嚴敬懃告後人茲  
役也可書乎昔者嚴諸侯聿定東方弘揚經典其大  
成廟也爲諸郡甲汶上拱府僅半百里今也撤舊彰  
新學官士子彬彬相效一變至道其可想乎琢此豐  
碑樂歌儀髣歌曰蒼姬中微亥乙後振帝眷尼山奎  
汶上縣志

卷之八 藝文

三

纏明潤木鐸孔揚四遠咸震教始一邑鴻蒙其風鳴  
鳳來儀八音會同損益商周韋編莫窮汶水洋洋新  
宮載作文明集福民生是托思聖如見豐碑爰削至  
元五年夏四月立石

皇明兗州府學教授九江孫惠重修宣聖廟記畧

史君誠祖旣布德宣惠治汶之暇一日集僚屬與學  
宮之職事賓友而相告曰誠祖於治民一事固已得  
其大畧矣第吾夫子殿宇傾圯甚非所以光學校而  
作髦士有司得爲而不爲予曷敢緩幸計吾祿秩之  
儲可以集事衆皆忻然遂鳩工庀材燦然一新剏始



於永樂十四年二月落成於本年五月釋奠告厥成  
功典教以侯之功不容泯時山東大叅林方伯按是  
邑亦以爲然迺具書遣其徒崔義趙善徵予而記其  
事云

大學士東魯許彬重修廟學記畧

汶上古中都也聖人嘗宰是邑其廟宇由來歲月已  
遠不無圯壞正統中陝之郃陽盧侯茂來宰是邑慨  
然欲增脩之殿堂門廡靡不完具未幾以致政去會  
陝申侯棨閩張侯臨代之距今又十餘年矣觀其規  
制雖美而祭噐諸物漸至損壞遂增而新之使數十  
汶上縣志 卷之八 藝文 三

莆田彭韶中都新闢文廟路記畧

令尹張均琮以平涼茂才宰斯邑興學育才諸有關  
於庠事者率振作之恐後以廟壅於市居未有馳道  
不稱尊崇之典乃捐金質民舍暨曠地闢之北廣一  
丈八尺南廣二丈二尺東西列植以木延袤九十步  
直抵於南豁然洞達而廟貌始肅矣其邑士大夫因



博士陳均嘉謨馳翰徵言於予俾紀其成事云

邑尙書郭朝賓重脩學記畧

永清張侯之初蒞也一釋菜於

先師見廟痺陋傲漉昭嚮弗稱登明倫堂進諸生問學見堂傾圯尤甚齋全併廢講習宴息無所主教事李君斐等以脩復請侯毅然爲已任時方務所以休息吾民者未暇也越明年政成人和廼撤而新之李君輩因寓書於予請記予少遊是宮苦於道之未聞也因不辭而記之爲吾鄉諸賢告焉記曰人受天命之性以生是以有君臣父子夫婦長幼朋友之倫知

汶上縣志

卷之八

藝文

三

能之良莫解於心而動作禮儀言詞出焉卽事卽物性無不寓非有待於外者也人之所以異於禽獸者惟在於此故唐虞三代庠序學校之設皆以明倫當是時爲士者童而習之長而安焉不出乎戶庭之間而仁讓之風可興不外乎一心之微而絜矩之道可舉蓋其素所學者一也及周之衰橫議起而道術裂矜高遠者以倫爲不足明而求性於未始有物之初謬悠荒唐亦何裨於開物成務之用哉是其所謂性命者有出乎人倫則異端而已耳矜名物者以倫爲不必明而役役於事爲之末驚文滅質飾儀喪志非



徒無益而又害之雖聞見之多亦奚以爲哉是其所  
謂務者不本於人倫則曲藝而已耳吾夫子有憂  
之嘗曰攻乎異端又曰藝成而下每舉堯舜三代之  
教以教天下惟曰天下之達道五至論君臣父子夫  
婦長幼朋友之際恒諄諄焉然則天下之理豈復有  
加於人倫之外哉我國家著令凡郡邑莫不有學  
以祀夫子而以明倫名其師生講誦之堂其意與堯  
舜三代豈異耶然倫而曰明正欲誦法夫子今絃誦  
之聲達於委巷章甫縫掖克徧寰宇而治不古若者  
無亦上之所取者非所需士之所學者非所用乎雖  
汶上縣志

卷之八

藝文

四

然道不達人人能弘道夫子之訓昭如也性命非精  
事物非粗人患不求耳侯於簿書期會之外獨能以  
興人才正風俗爲首務繕完堂宇令諸生升降乎其  
中以一其志而闡道論文自其心之所同然者發之  
有不喁然興起者乎是役也財取諸學田所入及士  
民所願助者力取諸夫役之餘民不知勞明倫堂五  
楹東西齋如堂之數楹星門內鑿泮池一建石橋於  
其上門外立屏壁一東西樹二坊扁曰興賢毓秀翼  
以紅柵以上經始於萬曆二年四月以六月中訖工  
先師廟五楹比舊增高三尺經始於萬曆三年正月



以七月落成侯德政甚多茲不著著其所以作士之意與脩復歲月如此是爲記

邑尙書路迎爲賈侯重修城池記畧

城界在兗郡東原間當陶泰四汶諸水下流之衝至夏秋雨水霖潦傾圯爲甚司土者每歲徵夫脩築無過補塞缺罅稍飾堞雉爾已歲以爲常旋復頽敝嘉靖庚戌豫州賈侯來尹是邑興學勸農平徭均賦旣逾年孳胡操戈於薊北克豎弄兵於河湟兩臺檄下所司修城爲備侯卽登閣見漫漶傾圯騎難成列人難並踵乃喟曰城以衛民險以守國此何如也遂具汶上縣志

卷之八 藝文

望

議達曹濮兵憲乃酌戶則以鳩衆訪殷實以監工檄僚佐分方而董之議視舊城加高五尺通以高計四丈二尺加厚一丈之餘通以厚計三丈五尺置四隅樓及廵舍四十餘座又議築月城設重門規畫已定布令趨工審鍾鱗集取土於城堞池因之以深榆材於官道民因之不擾再逾月皆報成焉是役也受菴周公主之於前東庄黃公督之於後侯奉兩憲公之命夙夜在公克襄厥事汶之人逸居而免震驚之患殆將沒齒不忘也侯如蘄檢身戴星蒞政門絕私謁庭鮮稽牘修城特其一節耳豈足以槩其賢哉侯發



身賢科名淮字元鎮河南臨潁人故少保相國南堤之裔孫居官行已家學淵源蓋有自云

大學士寧陽許彬分水龍神廟記畧

去汶上西三十里曰南旺湖周回百餘里前都水使者嘗患舟楫往來漂沒無定故築堤其中綿亘南北七十里置椿木兩旁中實以土以爲緯卒之路堤之西則瀰漫浩渺冬夏不涸其東則地稍高阜水中分之南通濟寧北抵安山皆入河故道通舟楫往來甚便其上建龍王廟以鎮之前此治其事者少有怠忽則風濤暴溢堤岸衝決奔流怒漲舟楫爲所吞噬而汶上縣志

卷之八 藝文

望

殃及民田者往往也去年秋池陽孫公仁由進士拜都水主事來蒞於茲旣盡心所事復覩廟貌傾圮慨然謂治水簿魏端曰自吾奉命以來堤防堅固水不爲患者雖人之力寔神之惠也今廟貌不稱何以妥靈屬茲歲稔盍新之端歸語知縣申榮縣丞李昂王臣主簿徐政典史方俊各出俸金以相成之乃集民丁在官者輦石陶瓦鳩材庀事撤舊營新規畫加於前而人不知勞工旣告成端詣予請文爲記因書其事俾刻之石

司空李鏊宋尙書祠記畧



弘治甲子夏鏊爲工部左侍郎

皇帝遣往山東議處守臣所言漕河事鏊馳入其境稽老考迹知漕河元故運河也洪武中河決源武過曹入於安山漕河塞四百里自濟寧至臨清舟不可行作城村諸所陸運至於德州

皇帝肇建北京立運法自海運者由直沽至於京自江運者浮淮入河至於陽武陸運至衛輝又入於衛河至於京海險陸費耗財溺舟歲以萬億計已命工部尙書宋禮修元運河發濟兗青東民十五萬人登萊民願役者萬五千人疏淤啓隘因勢而治之禮用汶上縣志

卷之八 藝文

三

老人白英計作壩於戴村橫亘五里遏汶勿西流令盡出南旺乃分爲二以其三南入漕河接徐呂以其七北會臨清合漳衛塞河口於曹鄆濬沙灣至漕故道以行水蓋漕河之廢自二患生焉河善決則淤水病涸則滯自是漕河成而海運廢矣祭法有功能於民則祀鎡因陳禮功可祀遂

勅下有司工部主事王寵又言刑部侍郎金純督都周長佐禮之勞宜不可泯

今上嗣位六年俞鏊等之請命於南旺分水祠禮以純長配有司并祠平江伯陳瑄而純長之位亦紊又



六年工部郎中楊淳始釐正如制淳暨主事王銓來  
徵予言夫人臣之奉國事也富財者創之慎慮者守  
之徒守者蠱事而敵國數創者焚政而煩民是故俗  
之所厭聖人不強行民之所安聖人不棘改往守臣  
欲改汝䟽洸求利於漕不亦鑿乎夫宋公之治漕河  
也因元哲臣之迹采今達民之謀相流泉之宜操獨  
決之智因民之欲避民之勞嗣是者置閘以防洩蓄  
湖以永灌引泉以備涸時浚以殺淤漕河大成萬世  
之利也夫慮淺者易動尙竒者好更昧於事者恒作  
忍於民者喜役故事之敝也柔者廢剛者憤予待罪  
汶上縣志

卷之八 藝文

四

三朝備員卿末今者且病行將明農以待盡因公祠  
事之成僭以是爲後之君子告焉祠之建經始於正  
德七年春落成於十二年冬廟宇廊廡垣墻具備別  
刻於碑陰

主事院桐胡瓚宗魯堂記

故尙書吳公嘗退隱於蜀山廟乃卽廟左構三教堂  
肖其像而皈依焉今頽然就圯而吾夫子獨存龔使  
君與余命工葺之旣畢役因來請名且告之故余惟  
道一而已矣何以三爲夫世所傳虛無寂滅與吾道  
敵者非二氏乎又安得列其像而三也愚夫愚婦瞻



佛老之像則焚香羅拜無敢不虔及過夫子之門掉臂不顧也乃率吾徒而修禮於其側亦大惑矣說者謂夫子師事柱下稱其如龍不曰聖人無常師乎河海不擇涓流未聞涓流得與河海並也吾夫子像之既存者不敢毀謹仍其舊而宗事之余不佞將以審鍾之暇偕二三子講習其中於是顏其堂曰宗魯或者謂吾夫子秩祀徧寰寓是區區一丸土耳母乃褻乎則又非也昔夫子宰中都汶上古中都地是非其所卯翼之鄉耶且也夫子嘗有川上之嘆水哉之稱斯堂也四顧皆水汪洋浩瀚遠通於海又安知神聖汶上縣志

卷之八

藝文

聖

之靈不鍾於是耶子以是區區者近褻獨不謂並列於三者之尤褻乎昔者楊墨塞路孟氏辭而闕之論者推其功不在禹下嗣是而佛氏出矣浸淫於六朝遂有五胡之擾其後天書幻妄道教是崇遂有金狄之禍傳有之國將亡聽於神非此其徵乎我明統一聖真尊信孔氏余猶記童子時學士先生非法不道諸子之書不在六藝者不以入於制義項者各標宗旨競悟真詮始猶援彼而內附既且誦我而反戈悠悠之譚長此安窮余不佞童而習之終身誓不敢易一辭今且爲河官所幸岳瀆效靈民脫魚鱉



可無決排之勞以希禹功萬一獨所爲三教堂近在  
宇下迺撤其像正其名豈敢附於放淫闢邪聊以示  
吾密尙之意知我罪我非所敢必也爰記其事付梁  
簿勒之堂中

邑人吳嶽撰張水部重修里門記畧

南旺魯故大野爲沮洳卑溼地至聞漕河導汶諸流  
會奔遂隄爲湖四望可百里許獨漁樵往來卽舨艫  
爲息止宴然野處數十年來山潦紆迴浸成沃壤農  
事日興室廬鱗次負販工技亦稍稍聚多時有偷竊  
窺覘踈曠掠逐牛馬工人患之莫可誰何余兄弟方  
汶上縣志

卷之八

藝文

吳

爲諸生實居河漕屬秀水吳公以督泉河至余兄弟  
迺師事之公數過省從容語及民事且曰邑里遼邈  
亡郭郭卽有寇至奚禦諸余兄弟起謝計無出公爲  
相度地形曰南北西衝可爲里門三綿更周遭之可  
爲長塹一門加鍵塹繚短坦庶有備乎居無何公以  
外艱去時久且廢塹堙而門垣傾弛僅存址墟近復  
荐歲稔盜賊紛起南旺距汶治四十里所巡徼者罕  
至余方謝病家居常懷夜警會常熟張公亦以督泉  
河至余造請告以吳公舊業公慨然任之卽鳩工興  
事更用恢張舊制規增里門爲四區所晨昏嚴閉啟



南北增木橋二卽緩急可撤也垣益高塹益深不再月而事竣遠近矚目狀如郭郭然其人力取役夫空暇民不告勞材木伐河濡斷榴磚石悉官府棄餘財不稱費於虐世有作者鮮不土苴貨財又率多遊觀臺謝徒爲厲階今茲役匪直母勞費屹爲吾鄉保圉俾人皆安堵寔維張公力嗣是仁人繼踵修頽補廢將利益毋窮增置丕建之繫獨亡張公之於吳公哉吳公名鵬字萬里號默泉張公名文鳳字公儀號立齋俱起家進士云

教諭漢陽項誠史侯德政記畧

汶上縣志

卷之八

藝文

畧

夫世有矜憐惻怛一於慈愛而無紀法之施者則德掩政也有威嚴酷烈專上刑罰而乏惻恤之念者又政不勝德也兩者斟酌德政兼舉見汶上史侯爲然侯以洪武二十三年冬奉

命來宰是邑孜孜忠勤卽飲食夢寐不忘撫字故民未康也思所以輯之田疇未闢思所以墾之戶口從此而增詞訟因之而簡驗貧富以定差徭尙勸教以勵風俗憫窮賙匱養老禮賢由是汶民室家相慶糧無逋負事無停滯人不逃移又能振其紀綱調其度數一發言布令如桴鼓響應然故吏畏威而不敢犯



民懷惠而不忍欺焉至於修營學宮咸出俸背少藉民力故不見作爲而成功之速也永樂七年夏上聞而賢之遣使賚

勅特陞濟寧州知州掌縣事 賜金織衣一襲鈔一

千貫勞以尊酒可謂褒崇之至矣侯宰汶二十有一年擢知州又六年其事治民安淪浹已久今年丙申當知州兩考之期會本縣西鄉老人李義等沐侯惠德穆然感激之無從也縷述美政願予涕泣陳之願言刻石昭示不忘抑俾後宰者知所勸也予惟昔羊叔子之在襄陽也輕裘緩帶專尚德教故當時之人汶上縣志

卷之八 藝文

哭

立碑於峴山名曰墮淚迄今覩之人無不感動也者且彼當吳晉交敵之時乃侯當聖天子四海一家之日自今以往則汶民之思與羊叔子相悠久矣是爲記

宗伯學士于慎行撰邑侯趙可懷德政記

昔者當嘉隆之際而郡邑之治亟也上輕於御史吏輕於使民民無所蘓於政而 軼於法故便於自行其意而難於 其所 民之苦連城列邑去而見思者幾何自時而 制御史之法密於舊十三使民之政 以而稱惠養休息自其



勢然矣怙於今之忘於昔之所難可與樂成乎哉汝陽之爲之中都聖迹在焉今之兩都大道舟車之敝有日矣趙公當嘉靖末而爲宰春秋盛而敏宣慈而肅在政四年邑之廢墜於民之疾苦罔不與除河濟之間號爲神君號爲仁望焉蓋余舉文學生所目擊而耳飲今日矣垂白穉齒思慕而謳吟之如其始去未之不可解若此哉或曰公之厲精修政信不可幾矣乃若法所通變今之良吏豈惟趙公曰唯唯否否今之循行者易昔之汶上縣志卷之八藝文巽者難法由荆始則及民深事出習聞則成功順風上阪之相懸矣盍將數之則壤不均徙公履畝而正之畫野爲區表區爲峻縱而爲疆橫而爲理豪無所并猾無所賦繇以平矣此故所未有也更繇之規歲爲象魏懸母之數子舞文之奸以陰陽而上下既均田畝編之法以丁權地鱗櫛而爲之差登其子數母數如揭日月而役始均此故所未有也方之未申乘輅之使轂擊於途奔命汁趨不及公爲太息乃閑馬於應門手合符而給之卽有借輒裂其繻而廐吏時乎



息肩此故所未有也比間之政布在版章久則渝矣  
供億將迎一出九歲之息不更一歲有罄橐而  
號無告公謂不調已甚改而張乃計歲會之需賦  
入地畝徵其直於官而代之以吏厨傳旁午民無聞  
焉此故所未有也凡斯極敝由公剗革遠近慕而行  
之或請諸郡使挈而爲令竟部州邑且幾半矣吏習  
而民安之至今公之遺愛顧弗逃與其時州邑之政  
何如今日彼且以操縱由已勝任愉快而獨孜孜爲  
父老子弟畫永利之規式歌且舞釋思不忘有以哉  
公又大修澤宮廣置學田群俊髦而程藝彬彬如也  
汶上縣志 卷之八 藝文 手

崇百雉而新之洪波環城不塞其阯而壯麗雄於魯  
郊案牘蝟集以石程書握管而銷之疾如流水訟者  
朝而投牒夕而核狀卽有大辟不越信宿畢得其情  
巨盜楊紀嘯聚遠郊兵不能制公以小隊按行譚笑  
指揮縛而赭其室因無桴鼓聲矣此之爲德國罔不  
膏潤風行淪肌浹骨而政存於人不出於法懸之殼  
率能者從之非公所以遺遠也神於聽斷則又難能  
亦舉其凡以告稗官氏志焉民有抱布而鬻膜於塗  
而失問地則有澤蘭命刷蘭而訊之邑人群聽於廷  
闔扉而譏闌入各以布贖所失物在其中解戶受金



於府歸而匿之床下厥明亡命昇床而訊之因詰其婦有私而伏者焉公不出甘主名俾復其所則已厥明得金或有矢貨於市獲盜而反誣之不能自明也詳責失者以貨予盜盜出則飲其徒曰孰謂君智尾者獲之富室之婢逸父以殺告責主人以婢屍而繫其父以待隸持冑絮爲信往給婢母母以女來則坐其父諸如此類長老傳誦至今凜之夫西門政成河內聊借神於投巫廣漢化行潁川亦櫛伏於問馬疏寃雪疑洞如燭鏡不尤異政乎哉要以更制朔法爲百世之利使人思而不能言則其太上者爾公旣

汝上縣志

卷之八 藝文

至

召爲御史汶人思之祠諸學宮之右萬歷初載禁民之生祝吏者汶人不忍墮也顏其闕曰讀法而陰俎豆之如初不碑以石而代之口暨歲癸卯郡丞劉公署篆方新聞俗於汶而聆公之頌聲謂邑令李君曰濟陰紀裴穀城頌張有金石於吾境今其如汶而獨闕也以公之政冠百城而不紀於遠何以爲後事師大夫其圖焉令君曰諾爰始以石爲碑樹之祠下而徵諸行行俯而再思乃敬受命夫澤無遠近久則彌傳地無隱顯晦乃益信公方以名卿耆輔都將相而秉旄功烈震耀乎殊俗石室之史將不勝書何有於



汝且官守不啻遽廬口而升朝暮而立社雖信何徵  
卽數十年之廢今而舉之又將以顯而疑也抑豈其  
然邑之慕於桐不以司農而廢茂之思於密不以太  
傳而輟何者九成之臺基惟覆篲萬里之塗發則尺  
轅言有累也卽公之勲名烏奕豈直也人亦汝之  
所累爾民知有令不知有卿若之何疑於顯乎且以  
今之所易而知向之所難使中都之政永爲則於四  
方是碑也無亦衮衣章甫之餘謔而稱聖師之教與  
李君以之言復劉公曰甚善徵哉藏之室史可也勒  
之石碑可也趙公名可懷四川巴縣人嘉靖乙丑進  
汶上縣志

卷之八

藝文

三

士以司馬中丞出鎮於楚且入贊矣劉公名師朱直  
隸開州人萬曆辛卯鄉進士行河郡丞褚公名國祥  
直隸武進人庚辰進士汪公名兆龍陝西興安人壬  
午鄉進士別駕王公名堯封直隸金壇人癸未進士  
盧公名夢鳳山西洪洞人選貢士許公名仲譽直隸  
成安人辛卯鄉進士司理武公名東成直隸南樂人  
乙酉鄉進士能廣公之政於郡李君名枝秀直隸肥  
鄉人辛丑進士能衍公之澤於邑皆民主也其不忘  
前事以此

尙書郭朝賓撰邑侯張惟誠愛養坊記畧



萬曆二年春正月天下有司各述所職以會於

闕下 詔舉廉能異等得二十五人吾邑張侯與焉

上御會極門勞之 賜宴及金幣寶鏹蓋異數也侯

復蒞縣乃作坊於公署之前大書

天語於其上曰愛養百姓一顧諟而不敢忘焉侯之言曰吾遠臣也何以受知於

上蓋爲民耳若一民不得其所得無負 聖恩違

聖訓乎此坊之所以作也民咸欣欣然相告曰吾民何幸而際 聖世得賢侯如此不可無述屬予記之

記曰夫令父母乎民者也乃令之視民鮮有如子者

汝上縣志

卷之八 藝文

三

心汰則侈政糝則削法猛則殘得其養者或寡矣吾邑當水陸孔道賦繁而役重定戶以給馬輪年以應甲計門以充解額外之徵未易悉數民困於供億無旦夕之儲以自養兄弟妻子至不相顧非侯養之而誰也侯愷悌慈祥精敏誠懇議事必究其弊因弊而立之防其法則養馬均於下解俵責諸官供應取諸田買辦付諸吏平存留之價立投櫃之規鹽鈔驛傳畸數也則議帶徵看倉人役負累也則改設吏濬泉河疏宋家窪而洪水不爲災徵荒田之入時其歛散以平穀價而凶年不爲害條上制使並諸司咸報可



令下民懽然若更生焉此侯之所以愛養吾民者皆因民之利而去其害而常平一法於荒政爲尤急往歲一遇水旱則立視其死耳侯獨能行此而一邑之民無不賴侯以養今歲方不熟而穀無甚貴之憂其效亦可觀已是法也雖行之萬世可也後之繼侯者得無以政非已出而議紛更充他費者乎得無豐不知歛凶不知散任姦黠侵漁而莫之稽乎則民何賴焉是則民之所深懼也予故記其事以爲繼侯者告焉

主事胡瓚白老人祠記

汶上縣志

卷之八 藝文

十五

余旣至南旺求所爲白老人廟者僉以其鄉對已問水戴村故事當謁廟迺愀然一室幾不蔽風雨中爲龍神爲汶蓆二河神南嚮旁爲土神東嚮其一則故白老人英也西嚮皆肖其像余心弗善也他日之坎河吏請如故事則其廟三楹左右翼各一 時東平李倅國祥方議新之顧其制無異戴村獨兩配異室耳詢之掌故是固懲戴村之失而釐正之者也余喟然嘆曰楚固失之齊亦未爲得也祭法有功於民則祀禦災捍患則祀非此族也不在祀典禹貢濟東北會於汶今其故道自入海祿乎東方一巨浸矣蓆水不



經見然不足當汶之一支安得並爲二也且天地之氣宣而成川安得有形記有之泉不在深有龍則靈是龍托於水者也能潛能飛有形矣安得爲人英故人安得先乎神禮每祀必祭土地謂其爲廟祐之主也神矣安得共人而齒爲昭穆也夫同堂者非以異室而正其非者非之非者也夫以人配神唯郊祀有之論其功也英於漕渠忱有功矣於汶之性得無少拂然且絕地脉哉或曰英不當祀與曰又非也禮有其舉之莫可廢也故廟之旣毀者吾弗敢議新也廟之旣新者吾弗敢議毀也其於戴村廟後翔爲一汶上縣志

卷之八 藝文

五

祠令其子孫奉其衣冠而歲時有事焉俾沒者歆其類而存者得伸其尊庶其可乎昔伯宗沒輦者之言君子謂之無績今天下第不得英耳安得如英也者而用其策何憂河決哉故象從新寵昭其報也號從舊名紀其實也祠始於丁酉十一月成於明年五月比役夫三旬費金錢三千文夫取於暇錢取於帑不一煩有司而助其成者汶上丞郭維澄董其事者老人周士孜也

邑人王賢撰旌表烈女許慕貞合墓墓表畧

汶城東門外百武有許貞烈墓焉按許女寧陽人大



學士彬姪孫息也幼卽知若庭訓戢禮容志節耿然  
許字劉生夢席未姻而劉生不祿卽謝鉛華舖夫位  
遙望摧毀誓終合葬剪左耳寄姑以納棺焉或勸之  
更適怒曰生許死忘可同人道於犬豕乎竟囚首菴  
奄以待盡會兩臺交章表之卒與夢席合葬以成其  
志詩穀則異室死則同穴氏誠有焉君子曰嗟嗟許  
媛知從義矣自俗澆耻喪蹈義者鮮甚至子訛父貧  
臣竊君祿夫骨未寒而鉛華再飾市道不在三綱外  
矣矧貞烈有閨息間乎夫常變靜定之謂貞從容就  
死之謂烈許媛貞守而烈終之聖明之世其配魯義  
汶上縣志

卷之八

藝文

五

姑之祠也固宜銘曰人孰無死死或未塋許媛之死  
守於一貞幼而綴劉長怍二更成仁取義得全而薨  
東華秋月崇丘高風廉頑立懦倫用以正表厥宅望  
樹之風聲胡不歸孝偕我竭誠胡不歸忠偕我致躬  
胡不歸貞偕我一從禮教信義魯邦所崇變彼季女  
聞道而興帝曰旌之示此下氓惟天地長惟日月靈  
人人親長天下式平

邑令任丘栗可仕中都餘韻樓記

汶舊乏誌士民傳譙樓生五椿焉蓋喬而久者實縣  
治首門層臺若關隘狀嘉隆間前令巴蜀趙公以不



便啓閉毀而移之左側俾鼓政專司臺較廣崇而宇  
棟屢壞八面軒厰距寶相寺洪鐘並峙旦暮聲聞四  
迄而民聽以聳焉嗣永清張公令茲邑最久稍稍修  
葺沿於今傾圯甚已余思張垂崖知成都時每宴坐  
聽郡樓鼓沓漏嚴差則詰問治守籤者罪擲何愼也  
儻以爲軍中號令宜爾邑宰與百姓共享太平無庸  
問槌鼓之音則范延貴宿萍鄉邸中聞其更鼓分明  
何以知希顏之賢而張公又何以並薦之乎乃校計  
其費俾基址補砌仍之舊者木材瓦石平值而取諸  
鬻者匠傭諸役一沐荒賑仰給哺粥不呼而集甫閱  
汶上縣志

卷之八

藝文

老

月落成焉汶大夫士咸議中都餘韻名其額則栗生  
何克承之夫上下二千年間自尼父振鐸首重風教  
嗣是而後幾於絕響故今時之汶習偷而玩機心熾  
標胥徒蠶食萑苻時騁蒞茲土者往往弗稱蔽塞栗  
生不敏惟是恬代躁矜代苛樸代纖趨盟介素而遠  
黠濡以俟夫衆心所自有之醇良當必倪淳發訴  
合暢遂民與官精聯神往朞月而後以議興革暇則  
登樓一眺凭欄醺酒邑中諸勝轉盼盡收卽境內之  
困苦顛連會心冥攝昭昭眉宇間矣旣厚幸履聖  
人之邦思鐸音而拜下風栗生知勉若乃芳韻餘



希踪聲教則賢君子接踵也予豈敢哉豈敢哉

邑令永清張公請建社倉文移畧曰

歲有豐凶穀有貴賤而民生之休戚因之儲穀備荒誠牧民者之責矣但事以預立法貴周詳使圖之不預則卒值凶年束手而無策若慮之不周則惠難徧及有名而無實此勤恤者每長嘆於噬臍而困窮者竟未免於枵腹也本職新建常平倉積穀五千一十一石三月間開倉比時價減三分之一挨鄉順社諭令均糴仍刻票記多者不過三石少者任便零糴數日之間市價頓減民稍沾惠矣但田野之民不能皆汶上縣志

卷之八

藝文

五

之城郭遂不得糴須各鄉置倉隨在貯穀使民不出田里卽有所得庶爲完計故職敢以社倉請查行社倉之法昔朱文公行之浙東已有成效其後行之者則有利有害大抵小民假貸皆起於貧貸時則易還時則難貸時雖以爲恩索時或以爲怨此利弊之大較也又查得宋張忠定公之治益州也以蜀地素狹游手者衆稍遇水旱民必艱食時米斛值錢三十六乃按諸邑田稅如其價歲收米六萬斛至春籍城中細民計口給券俾輸元佑糴之湊爲永制凡十戶爲一保一家犯罪一保皆坐不得糴民以此少敢犯法



逮七十餘年雖時有災饉而邑民無菜色夫社倉法之有利有弊如彼而平糴法之有利無弊如此職請今建社倉一如忠定公法但忠定公之法止籍城中細民而職則欲行之鄉鎮忠定糴之歲以爲常職則欲常年糴之而荒年貸之候豐年止令償之亦不收息惟貸而負者則去其籍永不得糴夫其糴之也輸元佑不假呼迫既有撫字之仁又無催科之擾夫其貸之也還倉抵斗負欠去籍旣廣寬大之恩復嚴精覈之法足稱無弊庶可常行已經齊集鄉民於庭面與酌議擇其鎮店之大居民之稠密堪以建置者四汶上縣志

卷之八

藝文

五

鄉共二十處城東則馬庄白石彩山并東關四處城南則新店王全城村站張吾村傅村集五處西則高里袁家口韓家林拳家村秦家舖桑科集開河鎮南旺并西關九處北則古城集李官庄四汶集三處各處之左右前後凡在十里之內者悉以附焉每處議建門樓一座前房三間團倉三座後房三間廂房三間卽置爲社學選教讀一人於內不獨令其訓誨童蒙抑且資其看守附記一處工料約費銀二十二兩分委修建今已告完又查各項堪動銀共一千七百四十八兩合無給發各倉易穀賑貸每處發銀八十



七兩四錢照依秋成穀價卽可糴穀五百八十二石六斗六升當此赤春民之困窮已極合候允日本職親詣各鄉按籍面給秋熟貯倉以後每年糴糶歲以爲常悉如張忠定公法其間損益便通准從本職前議秋糴准時價照原估冬則穀貯倉夏則銀貯庫每當糴糶完日備將數目附入常平倉循環查考又本職於萬曆二年置買大麥種一千五十石八斗七升當年給散貧民佈種至三年還過一千一百五十六石貯預備倉亦當年放出今歲麥熟又當還倉合無將此麥種查照人戶住種處所各就近便社倉交貯汶上縣志

卷之八

藝文

李

依法歛散不必遠赴預備倉以滋勞費似又便益夫預備倉有穀八千五百七十四石三斗常平倉有穀五千三百一十四石則環城而近者可無失所若各社倉有穀一萬一千六百五十三石三斗有麥一千一百五十四石則離城而遠者亦可無虞庶乎惠非偏陂政不失平幸逢有年縱不藉此倘遇凶歲可望存活其於民生未必無裨於萬一也

又補助厰設置牛種原申畧

查得縣治迤西宋家窪徵糧民地三百九十餘頃年久不獲耕種一方百姓困累極矣本職親詣彼處度



視地勢高下分定工程挑濬洩水河渠一道建置兼  
濟閘一座導洩本窪積水已盡入運前沒民地俱堪  
耕種但各地戶災困年久一交無牛種播置不前本職  
動庫貯官銀七百四十七兩三錢收買壯犍牛三百  
隻印烙編配以民安物阜時和年豐家給人足政平  
訟理化行俗美二十字爲一號每一字爲五號每一號  
牛三隻爲一犍并設處積貯麥種二千二百餘石俱  
酌量水窪之災民多寡給領趁時耕種又慮災民冬  
月乏草喂養致有倒失議於本縣東西二關新建補  
助厰二座搭蓋牛房八十間并置槽欄以民占官基  
汶上縣志

卷之八 藝文

空

租稅草料雇人喂養候春月東興之際仍復查給  
種外所有前借銀兩未經處補查得先該本職於本  
年五月內徵收差銀幸值二麥頗登花戶糶麥納銀  
苦於大賤又且難得絲銀及至煎銷不免耗且催  
徵愈促則麥價愈賤麥價愈賤則傷農愈甚本職心  
切病之議令花戶銀麥相兼交納仍比照時價量爲  
增添小麥每石值銀三錢七分准銀四錢二分大麥  
每石值銀二錢五分准銀三錢乃選委殷實人役在  
於預備常平二倉分投收受共收過小麥八千一百  
一十三石一斗六升三合共值銀三千四百七兩



錢二分八釐四毫大麥一千四百六十八石一斗一  
升三合共值銀四百四十一兩四錢三分三釐九毫  
及查得各項代當各夫人役俱係貧民一遇工食不  
接不免稱貸及至領出倍息償還歲歲因之季季相  
承貧夫力食■室蠶損言念至此亦可疚心况值今  
年九月例該南旺大挑各夫盤纏又屬難措本職議  
將前收麥石預給各役以爲萬曆五年春季工食及  
查二項時估已踰前時收價今將大麥每石作銀四  
錢小麥每石作銀五錢二分俱已示集各役支領訖  
在花戶之交納也既沾增價之惠在各夫之預領也  
汶上縣志

卷之八 藝文

奎

又免貸息之苦在官則獲附餘銀九百五十八兩一  
錢二分七釐六毫除扣補前借銀七百四十七兩三  
錢仍剩銀二百一十兩八錢二分七釐六毫添買牛  
糞補助災民但贏餘之數原非額項若不申明難免  
乾沒非所以杜奸弊而圖永利也再查東西二關補  
助廠既經設貯牛種原係干錢糧銀應置立循環文  
簿按冬春二季一併倒換查考庶乎奸弊不生而事  
得永久矣蒙 撫院李 批據申收麥照價作銀農  
不病賤出麥預作工食夫不貸息隨時糴糶卽獲餘  
金九百五十有奇既償買牛借數而又六其餘者添



買牛犂以濟災民真可謂惠而不費一舉而衆善修矣如議行併置循環報查

汶舊無誌相傳張公鄜有誌畧數紙逸不存矣王公賢始爲中都故實集斷未經副本爲南旺游水部持去幸其藁猶散在諸藏書家然惟郭生汶所藏本最完善蓋得之外舅張公鳳羽者也卽間有損益失實而可據者十之五矣若王生興邦所輯錄者錯出已意幾掩前美百惟一二足備採擇耳至東原梁起宗者宋太素公之裔也以家難徙汶上乃曰羸糧遊境丙凡二年所斷碑殘碣皆劄記之卽文不雅馴而近汶上縣志

卷之八

藝文

奎

事頗核抑何得廢焉 邑侯栗公初下車時博訪志稿俱得前書屬生等次閱之始於季春中浣再越月而告竣夫生等固陋無能爲役又遽成之踈誤宜矣然富人之名不以金載好士之傳不因米畧所有是非一準斯民卽草野倨侮之習能盡避乎或曰郡國諸乘凡例不一近議盡去列傳年表純用志體不亦名實相副耶生等竊以爲不然夫孟堅之志亦名爲書承祚之傳通號爲志誌者志也亦觀其志而已矣是書也同與次閱之役者凡五人魏生可教辛卯科舉人王生命新癸卯科舉人李生燁然丙午科舉人



畢生公亮邑廩生夏生修和郡增廣生

汶上縣志卷之八終

汶上縣志

卷之八

藝文

六



汶上縣志後序

夫汶上故魯中都吾夫子嘗爲之宰及門若冉子優於政者而繼宰於斯遐想當年所爲期月而化行三年可足民者其施爲大畧有芳規在焉余小子誦法聖賢今旣得使爲汶竊竊然喜得從聖賢之後祿自潤以上負

後序

也矢心自許曰所不願學孔子苟朝廷設官之意下悖父師惓惓之教者非夫也憶昔紫陽知南康甫下車輒求覽郡志乃舍然大喜驅車以南旣抵汶求所爲志者顧又弗具今去夫子之世一千餘年習俗



民風若江河之趨而不可挽獨其  
遺黎在耳欲藉尺牘爲之指南以  
漸還雅道僉謂汝之乏志所從來  
已余方苦於高山景行之無自而  
師心自用之爲難浹日間汝流夜  
漲近逼闔閭及櫂舟鄉落驗問災  
狀始知一邑之大勢其與國人交

後序

二

也酌之以禮際按之以事務徵之  
以居服參之以獄訟亦復漸貢其  
情且考圖籍而知困於役採輿誦  
而知近於殘凡汶之流風積習暨  
諸損益寬猛之故業有以得其要  
領漫聞交城尹蜀山王公嘗爲中  
都故實集斷一帙散在諸藏書家



因求得之徐加點次延邑中三孝  
廉及畢夏兩茂才訂爲成書付之  
剗刷氏而汶之所以待治於上者  
黎然備矣乃余之敷政概乎未有  
得也凡百君子其有稔知治體匡  
七尺之施回百折之瀾騁九達之  
徑含四氣之和者儻取汶志一寓

後序

三

目焉尙憫余之不逮示我周行庶  
幾不重戾吾夫子所撫綏之遺黎  
卽不敢望紫陽覽志而自治南康  
抑亦因志而得所以治汶者於諸  
君子也是帙也固余所爲請益之  
地乎

皆



萬曆三十六年歲次戊申秋七月既  
望汶上縣知縣任丘栗可仕撰



後序

四



重刻汶上縣舊志跋

余續輯汶志六卷付諸剞劂業已告成俾與舊志並垂矣邑縉紳學士復請於余曰汶之無志也百餘年矣明公博採編續顯微闡幽使汶之人與事沉埋於百年者悉光昭於此日吾輩披覽之下罔弗忻

跋

忻然共快厥成而嘆公之大有造於汶也獨是舊板歷久朽敝漫滅者十有三四若及今不修將愈久愈壞勢必新者存而舊者亡恐舊者亡而新者亦存而弗備也曷重刊之俾並垂不朽乎余亟善其請爰取舊志核閱訂正并付梓人其



闕者更取故家舊本照填或舊本  
模糊無可據補者則寧缺焉以附  
春秋郭公夏五傳疑之義工既竣  
敬贅數語於後以識重梓歲月云

丁酉陽月西冷聞元晁謹跋

跋



二